

UNIVERZITET U TUZLI
Broj: 01-134-JN-12/22
Tuzla, 09.01.2023. godine

Na osnovu člana 70. i 71. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-134-JN-11/22 od 27.12.2022. godine, po punomoći Rektorice Univerziteta u Tuzli broj: 01-2593-1/20 od 11. 06. 2020. godine, Direktor za ekonomske poslove *donio je*

O D L U K U

O IZBORU NAJPOVOLJNIJEG PONUĐAČA

I

U okončanom Konkurentskom postupku javne nabavke pružanje usluga dezinfekcije, dezinskcije, deratizacije i deviperizacije objekata i Kampusu Univerziteta u Tuzli za period do 31.12.2023. godine, izabran je ponuđač „VEGA-MIX SANITACIJA“ d.o.o. Tuzla u ukupnom iznosu od 5.000,00 KM (slovima: pet hiljada konvertibilnih marka) bez PDV-a, odnosno 5.850,00 KM (slovima: pet hiljada osam stotina pedeset konvertibilnih marka) sa uračunatim PDV-om, te se istom dodjeljuje ugovor o nabavci.

II

Ponuda ponuđača iz tačke I ove Odluke odabrana je iz razloga što u svemu zadovoljava uslove postavljene u Tenderskoj dokumentaciji, i zbog toga što ima najnižu ponuđenu cijenu nakon održane E-aukcije.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostavi original ili ovjerene kopije dokaza iz člana 45. Zakona o javnim nabavkama BiH koji su precizno definisani u tenderskoj dokumentaciji.

Obrazloženje

Univerzitet u Tuzli pokrenuo je postupak javne nabavke putem Konkurentskog zahtjeva za dostavu ponuda, za pružanje usluga dezinfekcije, dezinskcije, deratizacije i deviperizacije objekata i Kampusu Univerziteta u Tuzli za period do 31.12.2023. godine, broj: 01-134-JN-2/22 od 04.11.2022. godine, Obavještenja o nabavci broj: 795-7-2-93-3-124/22 od 15.11.2022. godine objavljenom na Portalu javnih nabavki e-nabavke i web stranici Univerziteta.

U ostavljenom roku ponudu je dostavilo 5 (pet) ponuđača: „VEGA-MIX SANITACIJA“ d.o.o. Tuzla, „IDS-ZDRAVA SREDINA“ d.o.o. Sarajevo, „DESINFECTA“ d.o.o. Sarajevo, „Dezinsekcija“ d.o.o. Bijeljina, „SANIT“ d.o.o. Tuzla.

Analizom dostavljenih ponuda utvrđeno je da ponuđač „SANIT“ d.o.o. Tuzla nije dostavio sve zahtjevane dokaze tražene tačkom 9.1. d) Tenderske dokumentacije i to:

Popunjeni obrazac za cijenu ponue (Prilog 3) potpisan i ovjeren od strane Ponuđača.

Naime, ponuđač „SANIT“ d.o.o. Tuzla je u sklopu svoje ponude dostavio navedeni Obrazac za cijenu ponude, ali nije popunjen u skladu sa tenderskom dokumentacijom, tačnije u Obrascu za cijenu ponude nije popunjena kolona u kojoj se tražilo da ponuđač navede „Opis izvršenja usluga, vrsta korištenih sredstava“. U tački 9.5 Tenderske dokumentacije je navedeno: „*Ponuđač je dužan dostaviti popunjen Obrazac za ponudu i Obrazac za cijenu ponude sa tehničkom specifikacijom koji se nalaze u prilogu TD, u skladu sa svim podacima koji su definisani Aneksom 2 i Aneksom 3 odnosno za sve stavke koje su sadržane u ti obrascima. U slučaju da ponuđač propusti popuniti Obrazac za cijenu ponude u skladu sa postavljenim zahtjevima, za sve stavke koje su navedene, njegova ponuda će biti odbaćena*“. Obzirom da ponuđač „SANIT“ d.o.o. Tuzla nije dostavio svoju ponudu u skladu sa taženim iz tendeske dokumentacije, njegova ponuda se odbacuje kao neprihvatljiva.

Daljom analizom dostavljenih ponuda utvrđeno je da su ostali ponuđači dostavili sve zahtjevane dokaze tražene Tenderskom dokumentacijom, zbog čega su ocijenjeni kvalifikovanim, a njihove ponude su formalno-pravno i tehnički ispravne, te kao takve su prihvatljive.

Prihvatljive ponude kvalifikovanih ponuđača Univerzitet je unio u bazu „E-nabavke“ da bi se iste vrjednovala u odnosu na zadani kriterij odabira „naniža cijena“ i to putem e-aukcije, u skladu sa Pravilnikom o uslovima i načinu korištenja e-aukcije („Službene novine BiH“ broj: 66/17).

Nakon okončane e-aukcije i u skladu sa Izvještajem o toku i završetku e-aukcije od 21.12.2022. godine sačinjena je slijedeća rang lista ponuda po povoljnosti:

1. „VEGA-MIX SANITACIJA“ d.o.o. Tuzla, 5.000,00 KM bez PDV-a,
2. „Dezinsekcija“ d.o.o. Bijeljina, 5.080,00 KM bez PDV-a,
3. „DESINFECTA“ d.o.o. Sarajevo, 11.785,00 KM bez PDV-a,
4. „IDS-ZDRAVA SREDINA“ d.o.o. Sarajevo, 11.833,60 KM bez PDV-a.

Budući da ponuda ponuđača „VEGA-MIX SANITACIJA“ d.o.o. Tuzla u svemu zadovoljava uslove predviđene tenderskom dokumentacijom i nakon provedene e-aukcije, ima najnižu ponuđenu cijenu Komisija je predložila da se istom dodijeli ugovor.

Cijeneći izneseno, te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektora Univerziteta u Tuzli, Direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pravna pouka: *Pravna pouka: Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 5 (pet) dana od dana njenog prijema, na adresu dr. Tihomila Markovića br.1, 75 000 Tuzla.*

Prilog: Zapisnik o pregledu i ocijeni ponuda broj:
01-134-JN-11/22 od 27.12.2022. godine
Izvještaj o toku i završetku „e-aukcije“ od 21.12.2022. godine

DOSTAVITI:
1x učesnicima
1x a/a



DIREKTOR
za ekonomske poslove

Husein Matović
Husein Matović, dipl.oec.